

# O Pawan Putra Hanuman | By Rajendra Jain |

Pawan Tanay Sankat Haran  
Mangal Moorti Roop  
Ram Lakhan Sita Sahit  
Hriday Basahu Surabhoop

O Pawan Putra Hanuman, Ram ke param bhakt kahlaye  
Teri mahima sab jag gaye, teri mahima sab jag gaye

Hai baalpane ki baat tumhi ne, Ravi ko mukh mein dabaya  
Duniya mein haahaakaar macha, jab ghor andhera chhaya  
Brahma ne vajra prahaar kiya, tab se Hanuman kahlaye  
Teri mahima sab jag gaye, teri mahima sab jag gaye

Vaanar raja Sugreev ko, Pampapur ka raajy dilaya  
Sita ji ki sudhi laane ka, beeda tumne hi uthaya  
Shri Ram ko se mudrika lekar ke, Lanka ko chale harshaaye  
Teri mahima sab jag gaye, teri mahima sab jag gaye

Karke samundar paar Vibhishan, ko bandhan se chhudaya  
Ashok Vaatika mein jaakar, maa ko sandesh sunaya  
Sunkar sandesh Siya ji ke, nainon mein aansoo aaye  
Teri mahima sab jag gaye, teri mahima sab jag gaye

Ravan ki aagya se daanav ne, poonch mein aag lagaayi  
Siyaram Chandr ki jai kehkar, sone ki Lanka jalaayi  
Sita ji se aagya lekar, phir Rama-dal mein aaye  
Teri mahima sab jag gaye, teri mahima sab jag gaye

Charanon mein sheesh navakar ke, Prabhu ko sandesh sunaya  
Sunkar ke vyatha Sita maa ki, nainon mein neer bhar aaya  
O Ramdoot balvaan tumhaari, mahima varani na jaye  
Teri mahima sab jag gaye, teri mahima sab jag gaye

Shakti lagi jab Lakshman ko, tumne hi praan bachaye  
Ahiraavan ke bandhan se, Ram Lakhan ko chhudaakar laaye  
Mahaveer tumhaare charanon mein, 'Tara Chand' sheesh navaaye  
Teri mahima sab jag gaye, teri mahima sab jag gaye

<https://bhaktivandana.com/lyrics/%e0%a4%93-%e0%a4%aa%e0%a4%b5%e0%a4%a8-%e0%a4%aa%e0%a5%81%e0%a4%a4%e0%a5%8d%e0%a4%b0-%e0%a4%b9%e0%a4%a8%e0%a5%81%e0%a4%ae%e0%a4%be%e0%a4%a8-by-rajendra-jain/>